



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-14-40605-4/19 BT
Sarajevo, 03.01.2020.godine

Na osnovu člana 69. stav 2. tačka d) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), i čl. 56. Zakona o organizaciji organa uprave u FBiH („Službene novine FBiH“, br.35/05), ministar saobraćaja Kantona Sarajevo na preporuku Komisije za javnu nabavku donosi:

ODLUKU
o poništenju postupka javne nabavke

1. Poništava se otvoreni postupak javne nabavke „Adaptacija postojećeg objekta upravljačkog centra-dispečerska kuća na lokaciji Čengić Vila, objavljenog na portalu javnih nabavki pod rednim brojem 1242-1-3-32-3-17/19 od 19.11.2019. godine, jer nijedna od primljenih ponuda nije prihvatljiva za predmetnu nabavku.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

O b r a z l o ž e n j e

Poništava se postupak javne nabavke pokrenut Odlukom o pokretanju postupka broj: 04-14-40605/19 od 14.11.2019.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje za predmetnu nabavku na portalu javnih nabavki pod rednim brojem 1242-1-3-32-3-17/19 od 19.11.2019. godine.

Zapisnikom o otvaranju ponuda od 11.12.2019.godine komisija je evidentirala da su u predviđenom roku pristigle ponude ponuđača Džena d.o.o. Gradačac, Neimari d.o.o. Sarajevo, Neimari Šerići d.o.o. Zenica i Sela d.o.o. Sarajevo.

U Zapisniku o pregledu i ocjeni ponuda br: 04-14-40605-3/19 od 31.12.2019.godine Komisija je utvrdila da pristigle ponude nisu prihvatljive, odnosno da iste ne ispunjavaju formalno pravne, te kvalifikacione uslove zahtijevane tenderskom dokumentacijom kako slijedi:

1) Ponuđač Džena d.o.o. Gradačac nije dostavio formalno- pravno ispravnu ponudu iz razloga što u Obrascu za cijenu ponude- Prilog II, stranici 23. stavka XV- mašinska faza i XVI izrada dokumentacije nije predvidio cijenu, odnosno istu nije upisao, iako je na istoj stranici u napomeni navedeno da se za svaku stavku u ponudi mora navesti cijena.

2) Ponuđač Neimari d.o.o. Sarajevo nije ispunio uvjet iz tenderske dokumentacije a koji se odnosi na ekonomsku i finansijsku sposobnost pod b) Izvještaj Centralne banke BiH o računima poslovnog subjekta i potvrdu za sve račune od poslovnih banaka, kod kojih ponuđač ima otvorene račune, da u posljednjih šest (6) mjeseci račun nije bio u blokadi, ne starije od tri mjeseca računajući od dana predaje ponude.

Ponuđač u ponudi nije dostavio potvrdu Vakufske banke d.d. Sarajevo za aktivan račun broj 1601120000027906, iako je u tenderskoj dokumentaciji navedeno da je isti dužan dostaviti potvrdu za sve račune od poslovnih banaka.

Nadalje, ponuđač nije dokazao niti tehničku i profesionalnu sposobnost prema zahtjevima iz tenderske dokumentacije:



B) Ponuđač je dužan da u skladu sa članom 51. tačka b) obezbijedi dokaze da ima profesionalne kvalifikacije izvođača radova i/ili kvalifikacije njegovog rukovodećeg osoblja, i naročito kvalifikacije lica koja su odgovorna za izvođenje konkretnih radova, a koji su predmet ove javne nabavke.

- pet radnika (III stepen građevinske struke ili NK radnici).-

Ponuđač nije dostavio dokaze o angažovanju osoblja, obzirom da se iz dostavljene dokumentacije ne može zaključiti da li isti raspolaže licima III stepen građevinske struke ili NK radnici.

3) Ponuđač Neimari Šerići d.o.o. Zenica nije dostavio formalno- pravno ispravnu ponudu iz razloga što u Obrascu za cijenu ponude- Prilog II, XIV- Ostali radovi, stranica 15. nije upisao ukupnu cijenu ostalih radova, dok je u rekapitulaciji na stranici 20. XIV ostali radovi upisao cijenu koju je predvidio za projektantski nadzor koji je jedna stavka iz ostalih radova, iako je na istoj stranici u napomeni navedeno da se za svaku stavku u ponudi mora navesti cijena.

4) Ponuđač Sela d.o.o. Sarajevo nije ispunio uvjet iz tenderske dokumentacije a koji se odnosi na profesionalnu sposobnost obavljanja djelatnosti iz razloga što u ponudi nije dostavio Obavještenje o razvrstavanju obrta prema djelatnosti, a prema zahtjevima iz tenderske dokumentacije.

Također, isti nije dokazao ekonomsku i finansijsku sposobnost pod b) Izvještaj Centralne banke BiH o računima poslovnog subjekta i potvrdu za sve račune od poslovnih banaka, kod kojih ponuđač ima otvorene račune, da u posljednjih šest (6) mjeseci račun nije bio u blokadi, ne starije od tri mjeseca računajući od dana predaje ponude, obzirom da u ponudi nije dostavio potvrde za sve račune od poslovnih banaka kod kojih ponuđač ima otvorene račune.

Na osnovu svega navedenog, a cijeneći odredbe člana 69. stav (2) tačka d) Zakona o javnim nabavkama kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, donesena je odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 3.500,00 KM, u skladu sa članom 108. stav 1. tačka d) Zakona o javnim nabavkama.


Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

MINISTAR

Adnan Šteta

Dostaviti:

- **Džena d.o.o. Gradačac,**
ul. Hasana Kikića bb, Gradačac
- **Neimari d.o.o. Sarajevo,**
ul. Pijačna 70, Ilidža- Sarajevo
- **Neimari Šerići d.o.o. Zenica,**
ul. Šerići 152, Zenica
- **Sela d.o.o. Sarajevo,**
ul. Rajlovačka cesta br.31 Sarajevo
- Evidenciji
- Arhivi



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

